

Vin Schöns**Geystlichs Lied / Darinn****wirt angezeygt wie die****welt das wort Got-****tes yetzt so gering achtet /****Aber von den Gotselia-****gen hoch gepreyset /****In dem Thon / Vns****gnad beger ich****nicht ic.**

Ein Christlich:
es gebet/wider die verfol-
ger des Bötlichen worts aus dem
andern Buch Maccabedorum
am .15. Cap.

Herr du hast deinen
Engell zur zeyt Ezechie/ der Ju-
den König gesandt/ vnnnd derselb
erschlug in des Senacheribs leger hundert
vnd fünff vnd Achzig tausent Man / So
schicke auch yetzt/ du gewaltiger Herr im
Hymel/ deinen guten Engel für vnns her/
die feynde/ so wider dein wort streyten/ zu
erschrecken/ Lass die erschrecken für deinem
starcken Arm / die mit Gotteslestes
rung wider dein Heyliges volck
ziehen wollen/ Vnnnd erbarm
dich vnns vns daines
namens willen
Amen.

Ach Herr mein Gott wie wird dein
 wort/so manchem ort/von wenig
 angenommen. Man thut nicht mer
 demselben ehr/wider Gottes leer/
 tracht yeder seinen fromen/ Behüt O Got
 vor ~~Das~~ gebot/vnnd seiner lehr/ Herr
 dem Teuffel auch wehr/ Das er vns nicht
 verstrick / mit seiner list vnnd dück/ Inn
 heuchelischem schein / das reyn wort / Bes
 war Herr an allem ort.

Die welt die tracht nach eygen bracht/
 die diener nichts acht/denn du dein wort
 hast geben. Veracht ihr lehr / sucht nicht
 dein Ehr/thut auch schier nicht mer / dein
 Testamente suchen / Sich drein O Herr/
 vnnd sterck dein lehr/Dein Knecht erhalt/
 für teuffels gwalt/das sie nicht würden
 gschwecht/vnnd dein wort wurd veracht/
 Mit weh vnnd grosser klag/die plag / des
 seynds mert sich alle tag.

Glauben an dich ganz ynnigklich/ach
 Herr nicht sich/an vnser grosse sünde. Vers

leyh vns all/im Jamerthal/das wir vber
all/dein Götlichs wort verkünden. Am
fleysch vnnnd Blut/ist gar kein gut/denn ey-
tel schuldt/wo nicht dein Götlich huld/in
vnser letzten noth/wenn vnns ergreyfft der
Tode/der Seelen hilffe thut/dein güt/vor
falschen Glauben vns behüt.

Gedult verleyh in Creutz vnnnd not/das
wir alle bot/vnns deiner gnaden trösten.
Die du hast vns auß lauter gunst/nach dei-
ner kunst/vom hymel gesandt zum besten/
Denn auff der Erdt/ist alles verkeret/ Ist
trewe mer/die liebe ist ganz ler/ist nichts
denn eytel zanck/ dein wort helt man für
schwang/ thut yeder was er will/vnpill/
hat recht vnd freyen sichern gang.

Wach auff O Herr vnd sterck dein leer/
erlöß auß gefeser/ alle die dein warheyt lie-
ben. Beystande des Geysts vns trewlich
leyst/vnnnd allermeyst/das vnns dein wort
thu vben/ In gutem werck/ Herr du vns
sterck/ das wir vns all/wie es auch sein sol

richten noch deine bot/ dadurch vnns dein
genad/ aus Väterlicher huld/ die schuld/
weg gnommen/ vnnd trost geben hat.

Die rechte lieb Herr gib vns hie/ welche
ist die/ einand von hertzen lieben. Von glau
bē sich die liebe außbricht/ die mā dan sichs
so wir inn Frieden bleiben. O Jesu Christi/
du heylande bist/ vnnd Gottes Sun/ hilff
das wir deinen willen thun/ so hats mit
vns kein not/ es sey frū oder spat/ wie solchs
Dauid zeygt gar/ so klar/ dein wort bleybe
ewiglichen war.

Vor bösem leyd/ vor haß vnd neyd/ der
yetz so weyt/ regirt an allen enden. Darnor
Behüt / dein Götlich güt / die yetz hoch
blüt/ Gott lob inn allen landen. Vonn der
welt geytz/ Herr vnns abreytz/ den Nam/
mon wend/ das er vns nicht verplend/ der
vns bringt ungesell/ des leibes vnnd der
Seel / das bitt wir dich Herr Gott / dein
wort/ verleyhe vns hie vnd auch dort.

Herr Jesu Christi du Richter bist/ zu aller
frist/ so wir die schmach thun leyden.
Denn glauben not/ ist wenn vns der Tod/
ergriffen hat/ laß vns im wort abscheiden.
Gott ist ein Herr/ so sind wir der/ der sünd
bekent/ bis an sein ende/ denn sterck vnns
Herr vnd sinn/ wenn die Seel will vonn
hinn/ Als denn so sein wir dein/ allein/ laß
vns anß end bestendig sein.

A M E N.

Gedruckt zu Nürnberg durch
Christoff Gucknecht.

273

zu als
leiden
er Tod
schaden
der sünd
ret vms
bill vom
llen las

urch

